

FPP BizNewz

January - May 2025

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

DIGITAL MARKETING
in a digital age

**MENTAL
HEALTH**

PK
LULUT
UNING

BUBU NAGA

Sekat Rezeki Nelayan Tradisional

HUTANG
Kawan atau Lawan?

Unik tapi Benar
KANTUNG MADU KELULUT BERBEZA

RINTANGAN INSULIN

Punca, Risiko dan Hubungannya dengan Diabetes

BRAIN DRAIN

A Point of View in Malaysia

Bagaimanakah Penularan

**PLANKTON
MERBAHAYA**


*Memberi Kesan kepada
Usahawan Persisiran Pantai*

**PERANAN
MAJIKAN
DALAM
MENANGANI
TEKANAN KERJA
PEKERJA**

**MOTIVATING
MINDS**

*How Lecturers Can Use Positive
Reinforcement to Boost*

eISSN 2600-9811



9 772600 981003

Publication Date

1 June 2025



Transformasi Kehidupan Asnaf: Peranan Komuniti dan Institusi

Siti Fatimah Hussin¹, Sharir Aizat Kamruddin², Mohd Al Faiz Jumin², Balqis Saiful Bahri²,
Eliy Nazira Mat Nazir²

Universiti Teknologi MARA Cawangan Selangor, Selangor, Malaysia¹
Universiti Teknologi MARA Cawangan Perlis, Perlis, Malaysia²

Emel Koresponden: shariraizat@uitm.edu.my

Asnaf merupakan golongan dalam masyarakat yang layak menerima zakat, terdiri daripada individu dan keluarga yang hidup dalam kesempitan dan memerlukan bantuan untuk memenuhi keperluan asas mereka. Asnaf merangkumi lapan kategori yang telah ditetapkan, termasuk fakir, miskin, amil, muallaf, riqab, gharimin, fisabilillah, dan Ibnu Sabil. Golongan ini sering kali terperangkap dalam kitaran kemiskinan yang sukar untuk dipecahkan tanpa sokongan dan bantuan yang sewajarnya (Nor Asmira Mat Jusoh et al., 2022).

Hari ini isu kemiskinan masih menjadi cabaran besar oleh banyak golongan asnaf kerana kepesatan yang dihadapi. Akses yang terhad dalam kehidupan telah menyekat kelangsungan mereka dalam meneruskan hidup sehingga berlaku perkara-perkara negatif seperti, merompak, membunuh, dadah dan sebagainya. Namun, di sebalik kesukaran ini, terdapat banyak usaha yang dilakukan oleh komuniti dan institusi untuk membantu golongan asnaf keluar dari kemiskinan yang dihadapi (Sim, 2022).

Dari program bantuan kewangan, pendidikan, hingga latihan kemahiran, pelbagai inisiatif telah diwujudkan untuk memberi peluang kepada golongan asnaf mengubah nasib mereka. Melalui kerjasama yang erat antara masyarakat, badan-badan kerajaan dan bukan kerajaan, kita dapat melihat perubahan positif dalam kehidupan golongan ini. Setiap usaha, walau sekecil mana pun, boleh memberi impak besar dalam usaha memerangi kemiskinan dan membawa kepada transformasi kehidupan yang lebih baik bagi mereka yang memerlukan.

PERANAN KOMUNITI DAN INSTITUSI

1. Kerjasama Antara Komuniti dan Institusi

Kerjasama antara komuniti dan institusi merujuk kepada usaha bersama untuk mencapai matlamat yang sama, iaitu meningkatkan kesejahteraan golongan asnaf. Dalam konteks ini, komuniti merangkumi masyarakat setempat, pertubuhan bukan kerajaan (NGO), dan sukarelawan, manakala institusi merangkumi agensi kerajaan, institusi kewangan, badan zakat, wakaf, dan institusi pendidikan. Kerjasama ini melibatkan pelbagai aspek, termasuk pengagihan sumber, perancangan dan pelaksanaan program, serta pemantauan dan penilaian hasil.

Baru-baru ini, Universiti Teknologi Mara telah berkolaborasi dengan Majlis Agama Islam dan Adat Istiadat Melayu Perlis (MAIPs) dalam memberi bantuan kepada golongan Asnaf. Sumbangan tersebut telah disampaikan dalam program kayuhan basikal secara santai sambil menyantuni dan memberikan sumbangan kepada golongan asnaf yang terdiri daripada pesara UiTM Cawangan Perlis dan masyarakat asnaf sekitar Arau. Program kayuhan itu telah menyaksikan penyerahan bantuan seperti barangan keperluan dapur kepada tiga buah rumah asnaf.

Melalui kerjasama yang dilakukan bukan sahaja telah memberi manfaat segera kepada golongan asnaf, tetapi juga mewujudkan asas untuk kerjasama jangka panjang antara kedua-dua pihak. Semangat kerjasama yang ditunjukkan ini penting dalam memastikan kesinambungan bantuan dan sokongan kepada golongan yang memerlukan. Melalui usaha berterusan dan komitmen bersama, lebih banyak program dan inisiatif dapat dirancang dan dilaksanakan di masa hadapan, yang akan memberi manfaat lebih besar kepada masyarakat.

2. Menyalurkan Bantuan Pendidikan

Program pendidikan seperti biasiswa dan bantuan pendidikan kepada anak-anak asnaf membantu memastikan mereka tidak tercicir daripada sistem pendidikan. Pendidikan yang baik membuka peluang pekerjaan yang lebih baik di masa hadapan. Banyak institusi pendidikan dan organisasi kebajikan menyediakan biasiswa khusus untuk pelajar dari keluarga asnaf. Biasiswa ini merangkumi yuran pengajian, kos pembelian buku, alat tulis, dan keperluan pembelajaran lain, membolehkan pelajar fokus pada pelajaran mereka tanpa bimbang tentang beban kewangan. Sebagai contoh, bersempena dengan Program Kayuhan Kapsul dan Mini Sambutan 25 Tahun UiTM telah berlangsung program penyerahan zakat kepada 442 orang pelajar asnaf. Majlis tersebut telah berlangsung di Masjid An-Nur, UiTM cawangan Perlis.



**YBHG. PROF. DATUK NAIB CANSOLOR MENYAMPAIKAN
SUMBANGAN ZAKAT KEPADA PELAJAR ASNAF UITM
CAWANGAN PERLIS**

PERANAN KOMUNITI DAN INSTITUSI

3. Sumbangan Agihan Makanan

Keprihatinan terhadap golongan asnaf merupakan satu inisiatif yang penting dalam masyarakat kita. Golongan asnaf merangkumi mereka yang memerlukan bantuan seperti fakir miskin, anak yatim, ibu tunggal, dan warga emas yang kurang berkemampuan. Sumbangan agihan makanan kepada golongan ini adalah usaha murni yang dapat membantu meringankan beban mereka serta memastikan mereka mendapat bekalan makanan yang mencukupi dan berkhasiat. Bantuan daging qurban adalah salah satu bentuk bantuan yang sangat bermakna bagi golongan asnaf, terutamanya semasa Hari Raya Aidiladha. Bantuan ini bukan sahaja memenuhi keperluan makanan harian mereka tetapi juga membawa erti simbolik dan spiritual yang mendalam.

UiTM Cawangan Perlis telah melaksanakan ibadat korban menerusi Program Semarak Qurban 2024 dengan menyaksikan penyembelihan lima ekor lembu, dengan 300 orang penerima mendapat manfaat termasuk pelajar, staf dan masyarakat setempat melalui agihan daging qurban. Agihan daging qurban yang dilaksanakan diharapkan dapat meringankan beban golongan asnaf.

4. Program Kemasyarakatan

Program kemasyarakatan merujuk kepada inisiatif yang dijalankan oleh pelbagai pihak, termasuk komuniti, NGO, dan institusi untuk membantu meningkatkan kualiti hidup golongan asnaf melalui pelbagai bentuk bantuan dan sokongan. Meraikan golongan asnaf melalui program dan aktiviti yang menarik adalah satu usaha yang mulia dan penting untuk memastikan mereka tidak merasa terpinggir dalam masyarakat. Program dan aktiviti yang disusun dengan baik bukan sahaja dapat meringankan beban kewangan mereka tetapi juga membantu dalam pembangunan diri, akademik, dan sosial. Seramai 30 orang anak yatim dan asnaf diraikan dalam program "UiTM Perlis@Komuniti: Rehlah Mahabbah bersama RKK Arau". Program ini bertujuan menyantuni anak-anak yatim dan asnaf agar tidak terpinggir.

Kesimpulan

Peranan komuniti dan institusi dalam membantu golongan asnaf adalah amat penting dalam usaha memerangi kemiskinan. Melalui bantuan dari segi kewangan, pendidikan, perumahan, sokongan emosi, dan kerjasama yang erat, kita dapat melihat transformasi positif dalam kehidupan asnaf. Usaha berterusan dan solidariti dalam masyarakat akan terus menjadi pemangkin kepada perubahan yang lebih baik, membantu golongan asnaf keluar dari kitaran kemiskinan dan mencapai kehidupan yang lebih sejahtera.

Rujukan

Nor Asmira Mat Jusoh, Zanirah Mustafa@Busu, Noraini Junoh, Norazmila Yusof, Ahmad Murshidi Mustapha. (2022). Pendidikan Asnaf Fakir dan Miskin Melalui Sinergi Dana Zakat dalam Membasmi Keciciran. *Konsep: Journal of Islamic Education*, 1(1), 95-200. <https://majmuah.com/journal/index.php/konsep/article/download/200/95/>

Sim, W. J. (2022, Mac 4). Laksana Segera Program Atasi Isu Kemiskinan, Jurang Pendapatan. *Berita Harian*. <https://www.bharian.com.my/rencana/lain-lain/2022/03/939371/laksana-segera-program-atasi-isu-kemiskinan-jurang-pendapatan>

Bagaimanakah Penularan Plankton Merbahaya Memberi Kesan Kepada Usahawan Persisiran Pantai?

Alya Balqis Mohd Jais, Zikry Hakim Zainal Abidin, Sharir Aizat Kamaruddin, Muhammad Rusli Hakim, Muhammad Iman Fazley Abdullah, Muhammad Faiz Abd Rahim, Nur Farah Adibah Mas Shamsudin
Universiti Teknologi MARA Cawangan Perlis, Perlis, Malaysia
Emel Koresponden: shariraizat@uitm.edu.my

Kemiskinan sering dikaitkan dengan warga yang mendiami kawasan bandar dan pendalaman yang terbeban dengan kos sara hidup yang tinggi. Namun, kemiskinan juga boleh dihadapi oleh golongan peniaga persisiran pantai terutamanya usahawan-usahawan muda yang bergantung rezeki kepada alam sekitar untuk meneruskan kelangsungan hidup. Isu kemiskinan ini secara tidak langsung telah membawa kepada pelbagai cabaran hidup yang kompleks dalam kalangan komuniti nelayan tersebut. Kesan daripada kemiskinan yang dilalui oleh mereka sedikit sebanyak akan menjejaskan kehidupan seharian serta sosio-ekonomi di mana mereka mungkin akan berhadapan dengan krisis bekalan makanan yang tidak mencukupi sekali gus menjurus kepada masalah tidak cukup makanan atau kelaparan.

Makanan adalah salah satu keperluan harian manusia yang amat penting demi meneruskan kelangsungan hidup namun, gangguan terhadap keperluan ini akan memberi kesan yang mendalam terhadap para usahawan persisiran pantai. Keadaan laut dan pantai yang baik adalah penting demi kelangsungan hidup usahawan persisiran pantai untuk mengelakkan mereka dari terjerumus dalam kantung kemiskinan.

Salah satu masalah yang menjadi kerisauan kepada para peniaga di persisiran pantai adalah kejadian lambakan plankton merbahaya yang mampu memberi kesan negatif kepada sektor pelancongan dan sosioekonomi tanpa kita sedari. Bagaimanakah penularan plankton merbahaya memberi kesan kepada usahawan persisiran pantai? Penularan plankton memberi impak yang ketara kepada usahawan pantai melalui bilangan ketumpatan plankton yang tidak terkawal akibat daripada pencemaran yang berpunca daripada aktiviti perindustrian yang membuang sisa toksik tidak terawat secara terus ke dalam laut.



BizNewz 2025
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com